



ქალაქ ფოთის მუნიციპალიტეტის საკრებულო

განკარგულება N 19/62

2019 წლის 4 სექტემბერი

ქალაქი ფოთი

ქალაქ ფოთის მუნიციპალიტეტის მერისათვის არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სასპორტო საგანმანათლებლო დაწესებულებათა გაერთიანების“, არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის ტურიზმის განვითარების ცენტრის“ რეორგანიზაციაზე (გაერთიანებაზე) და რეორგანიზაციის (გაერთიანების) საფუძველზე არასამეწარმეო (არაკომერციული) იურიდიული პირის - ქალაქ ფოთის მუნიციპალიტეტის სპორტისა და ტურიზმის ცენტრის დაფუძნებაზე თანხმობის მიცემის შესახებ

ქალაქ ფოთის მუნიციპალიტეტის საკრებულო აღნიშნავს, რომ საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი პუნქტის „დ.ბ“ ქვეპუნქტის შესაბამისად, ქალაქ ფოთის მუნიციპალიტეტის მერი საკრებულოს თანხმობით იღებს გადაწყვეტილებას არასამეწარმეო (არაკომერციული) იურიდიული პირების რეორგანიზაციის შესახებ.

ქალაქ ფოთის მუნიციპალიტეტის მერი (გ. კურდღლელია) საბიუჯეტო სახსრების ეფექტურად ხარჯვის მიზნით, ითხოვს ქალაქ ფოთის მუნიციპალიტეტის მიერ დაფუძნებული: არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სასპორტო საგანმანათლებლო დაწესებულებათა გაერთიანების“ (ს/კ 415098343), არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის ტურიზმის განვითარების ცენტრის“ (ს/კ 415093981) რეორგანიზაციაზე (გაერთიანებაზე) და რეორგანიზაციის (გაერთიანების) საფუძველზე არასამეწარმეო (არაკომერციული) იურიდიული პირის- ქალაქ ფოთის მუნიციპალიტეტის სპორტისა და ტურიზმის ცენტრის დაფუძნებაზე თანხმობას.

აღნიშნულიდან გამომდინარე:

მუხლი 1.

მიეცეს თანხმობა ქალაქ ფოთის მუნიციპალიტეტის მერს (გ. კურდღლელია) განახორციელოს არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის სასპორტო საგანმანათლებლო დაწესებულებათა გაერთიანების“ (ს/კ 415098343), არასამეწარმეო (არაკომერციული) იურიდიული პირის „ქალაქ ფოთის მუნიციპალიტეტის ტურიზმის განვითარების ცენტრის“ (ს/კ 415093981) რეორგანიზაცია (გაერთიანება) და რეორგანიზაციის (გაერთიანების) საფუძველზე არასამეწარმეო (არაკომერციული) იურიდიული პირის- ქალაქ ფოთის მუნიციპალიტეტის სპორტისა და ტურიზმის ცენტრის დაფუძნება.

მუხლი 2.

ქალაქ ფოთის მუნიციპალიტეტის მერმა (გ. კურდღლელია), საკრებულოს განკარგულების პირველი მუხლის შესრულებასთან დაკავშირებით განახორციელოს საქართველოს კანონმდებლობით დადგენილი ღონისძიებები.

მუხლი 3.

საქართველოს სამოქალაქო კოდექსის 38-ე მუხლის 1¹ პუნქტის, „მეწარმეთა შესახებ“ საქართველოს კანონის მე-14⁴ მუხლის მე-6 პუნქტის, მე-14 მუხლის მე-3 პუნქტის შესაბამისად, ქალაქ ფოთის მუნიციპალიტეტის მერმა (გ. კურდღლია) განკარგულების პირველი მუხლით გათვალისწინებული არასამეწარმეო (არაკომერციული) იურიდიული პირების რეორგანიზაციის პროცესის დაწყების შესახებ ინფორმაცია დაარეგისტრიროს მეწარმეთა და არასამეწარმეო (არაკომერციული) იურიდიული პირების რეესტრში.

მუხლი 4.

ქალაქ ფოთის მუნიციპალიტეტის მერმა (გ. კურდღლია) განკარგულების პირველი მუხლით გათვალისწინებული არასამეწარმეო (არაკომერციული) იურიდიული პირების დირექტორები, საქართველოს ორგანული კანონის „საქართველოს შრომის კოდექსის“ 38-ე მუხლის პირველი პუნქტის შესაბამისად, არანაკლებ 30 კალენდარული დღით ადრე გააფრთხილოს მოსალოდნელი განთავისუფლების შესახებ.

მუხლი 5.

აღნიშნული განკარგულების პირველ მუხლში მითითებულმა არასამეწარმეო (არაკომერციული) იურიდიული პირების დირექტორებმა, საქართველოს ორგანული კანონის „საქართველოს შრომის კოდექსის“ 38-ე მუხლის პირველი პუნქტის შესაბამისად, არანაკლებ 30 კალენდარული დღით ადრე გააფრთხილოს დასაქმებული პირები მოსალოდნელი განთავისუფლების შესახებ.

მუხლი 6.

საქართველოს კანონმდებლობის მოთხოვნების დაცვით ქალაქ ფოთის მუნიციპალიტეტის მერმა (გ. კურდღლია) გაანთავისუფლოს განკარგულების პირველი მუხლით გათვალისწინებული არასამეწარმეო (არაკომერციული) იურიდიული პირების დირექტორები, დანიშნოს არასამეწარმეო (არაკომერციული) იურიდიული პირის- ქალაქ ფოთის მუნიციპალიტეტის სპორტისა და ტურიზმის ცენტრის დირექტორის.

მუხლი 7. საქართველოს კანონმდებლობის მოთხოვნების დაცვით, ქალაქ ფოთის მუნიციპალიტეტის მერმა (გ. კურდღლია) დაამტკიცოს არასამეწარმეო (არაკომერციული) იურიდიული პირის- ქალაქ ფოთის მუნიციპალიტეტის სპორტისა და ტურიზმის ცენტრის წესდება.

მუხლი 8.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 9. განკარგულება ძალაშია 2019 წლის 4 სექტემბრიდან.

საკრებულოს თავმჯდომარე

ირაკლი კაკულია

